



ՄԴՅ/0138/01/21
(ՀԿԴ/0114/01/22)

Ո Ր Ո Շ ՈՒ Մ

ՎԱՐՈՒՅԹԻ ԱՌԱՐԿԱՅԱԿԱՆ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

2 սեպտեմբերի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահ Համլետ Ասատրյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ՄԴՅ/0138/01/21 (ՀԿԴ/0114/01/22) քրեական վարույթի առարկայական ընդդատության մասին վեճը լուծելու համար վարույթը ՀՀ Վճռաբեկ դատարան ուղարկելու մասին Սյունիքի մարզի առաջին ատյանի ընդհանուր իրավասության դատարանի՝ 2024 թվականի օգոստոսի 9-ի որոշումը,

Պ Ա Ր Զ Ե Ց Ի Ն Ք

Վարույթի դատավարական նախապատմությունը.

1. 2021 թվականի դեկտեմբերի 6-ին Սյունիքի մարզի ընդհանուր իրավասության առաջին ատյանի դատարանում ստացվել է թիվ 90963318 (ՄԴՅ/0138/01/21) քրեական գործն ըստ մեղադրանքի՝ Մկրտիչ Երեմի Չախախյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 358.1-րդ հոդվածի 1-ին մասով, 358.1-րդ հոդվածի 4-րդ մասով, Լուկաշ Սամվելի Պետրոսյանի՝ ՀՀ քրեական օրենսգրքի 358.1-րդ հոդվածի 2-րդ մասով, 360-րդ հոդվածի 2-րդ մասով, 375-րդ հոդվածի 2-րդ մասով, Դավիթ Մնացականի Կարապետյանի՝ ՀՀ քրեական օրենսգրքի 358.1-րդ հոդվածի 2-րդ մասով և Դավիթ Աշոտի Սարգսյանի՝ ՀՀ քրեական օրենսգրքի 358.1-րդ հոդվածի 1-ին մասով:

2021 թվականի դեկտեմբերի 14-ին թիվ ՍԴ3/0138/01/21 քրեական գործն ընդունվել է դատավոր Բ.Բախշիյանի վարույթ և 2021 թվականի դեկտեմբերի 24-ին որոշում է կայացվել դատական քննություն նշանակելու մասին:

1.1. Դատավոր Բ.Բախշիյանի լիազորությունները կասեցված լինելու հիմքով թիվ ՍԴ3/0138/01/21 քրեական գործը վերաբաշխվել է դատավոր Վ.Ջիվանյանին և 2022 թվականի մարտի 10-ին քրեական գործն ընդունվել է վարույթ:

1.2. Սյունիքի մարզի առաջին ատյանի ընդհանուր իրավասության դատարանի՝ 2022 թվականի օգոստոսի 30-ի որոշմամբ թիվ ՍԴ3/0138/01/21 քրեական գործն ըստ ընդդատության ուղարկվել է Հակակոռուպցիոն դատարան:

2. Հակակոռուպցիոն դատարանը 2022 թվականի սեպտեմբերի 22-ին որոշում է կայացրել թիվ ՀԿԴ/0114/01/22 (ՍԴ3/0138/01/21) քրեական գործը վարույթ ընդունելու մասին:

Հակակոռուպցիոն դատարանի՝ 2023 թվականի նոյեմբերի 24-ի որոշմամբ Դավիթ Աշոտի Սարգսյանի նկատմամբ ՀՀ քրեական օրենսգրքի 358.1-րդ հոդվածի 1-ին մասով քրեական հետապնդումը դադարեցվել է՝ վաղեմության ժամկետն անցնելու հիմքով:

Հակակոռուպցիոն դատարանի՝ 2024 թվականի փետրվարի 1-ի որոշմամբ Դավիթ Մնացականի Կարապետյանի նկատմամբ ՀՀ քրեական օրենսգրքի 358.1-րդ հոդվածի 2-րդ մասով քրեական հետապնդումը դադարեցվել է՝ վաղեմության ժամկետն անցնելու հիմքով:

2.1. Հակակոռուպցիոն դատարանը 2024 թվականի մարտի 11-ին որոշում է կայացրել թիվ ՀԿԴ/0114/01/22 քրեական գործն ըստ առարկայական ընդդատության Սյունիքի մարզի առաջին ատյանի ընդհանուր իրավասության դատարան փոխանցելու մասին:

3. Սյունիքի մարզի առաջին ատյանի ընդհանուր իրավասության դատարանը 2024 թվականի մարտի 29-ին որոշում է կայացրել քրեական գործի վարույթը ստանձնելու և նախնական դատալսումներ նշանակելու մասին:

3.1. Սյունիքի մարզի առաջին ատյանի ընդհանուր իրավասության դատարանը 2024 թվականի օգոստոսի 9-ին որոշում է կայացրել թիվ ՍԴ3/0138/01/21

(ՀԿԴ/0114/01/22) քրեական գործով ընդդատության մասին վեճը լուծելու համար վարույթը Վճռաբեկ դատարան ուղարկելու մասին:

4. Քրեական վարույթը Վճռաբեկ դատարանում ստացվել է 2024 թվականի օգոստոսի 21-ին:

Ընդդատության հարցը լուծելու համար էական նշանակություն ունեցող փաստական հանգամանքները.

5. Լուկաշ Սամվելի Պետրոսյանը ՀՀ քրեական օրենսգրքի 358.1-րդ հոդվածի 2-րդ մասով, 360-րդ հոդվածի 2-րդ մասով և 375-րդ հոդվածի 2-րդ մասով ներգրավվել է որպես մեղադրյալ և նրան մեղադրանք է առաջադրվել այն բանի համար, որ «նա գրադեցնելով ՊԲ 36534 զորամասի 5-րդ հրաձգային գումարտակի 13-րդ հրաձգային վաշտի հրամանատարի պաշտոնը, կոչումով կապիտան, 08.09.2018թ. զինվորական ծառայության պարտականությունները կատարելու կապակցությամբ ծեծի է ենթարկել իր նկատմամբ սրորադաս հանդիսացող, իր անմիջական ղեկավարության ներքո գրնվող վաշտի ժամկետային պարտադիր զինծառայող, շարքային Գևորգ Սուրենի Հարոյանին, մասնավորապես, 08.09.2018թ.՝ երեկոյան, տեղեկանալով, որ Գ.Հարոյանն ընդգրկված լինելով ճաշարանի վերակարգում, ճաշարանի հերթապահ, նույն վաշտի 2-րդ դասակի հրամանատար, կապիտան Դավիթ Կարապետյանի կողմից ազատվել է վերակարգից, սակայն տևական ժամանակ գումարտակի մասնաշենք չի ներկայացել, նրան հայրնաբերելու և այդ կապակցությամբ պարզաբանումներ կատարելու նպատակով, ինչպես նաև ենթադրելով, որ նույն օրը՝ երեկոյան, սպայական շենքերի մոտ իր հետ վիճաբանության մեջ միասժ քաղաքացիական անձինք հնարավոր է կապ ունենան Գ.Հարոյանի հետ և նրա կողմից հրավիրված լինեն, ցանկանալով նշված հարցի շուրջ անձամբ զրուցել Գ.Հարոյանի հետ, սպայական քնակարանից ժամը 22:00-ի սահմաններում մեկնել է զորամասի մշտական տեղակայման վայր, Դ.Կարապետյանի հետ միասին ճաշարանից գնացել է 5-րդ գումարտակի մասնաշենք, սպա միայնակ մտել է իր աշխատասենյակ, իսկ Դ.Կարապետյանը շարունակել է որոնել Գ.Հարոյանին, որից կարճ ժամանակ անց՝ ժամը 22:30-ի սահմաններում, վիճաբանության ձայներ լսելով դուրս է եկել աշխատասենյակից և

գորանոցի ննջարանների մոտ ականապետ է եղել Դ.Կարապետյանի և Գ.Հարոյանի միջև առաջացած ծեծկոտորին, միջամերել և դադարեցրել է վիճարանությունը, որից հետո փորձել է կարգի հրավիրել Գ.Հարոյանին և նույն վայրում ծեծի է ենթարկել նրան՝ երեքից չորս անգամ աջ և ձախ ձեռքերով ապրակներ է հասցրել վերջինիս դեմքին, սպա Գ.Հարոյանին հրավիրել է աշխատասենյակ և զինվորական ծառայության պարտականությունները կատարելու կապակցությամբ՝ սպային՝ Դ.Կարապետյանին հակաճառելու և նրան հարվածելու, ինչպես նաև վերակարգից ազարվելուց հետո րևական ժամանակ գումարարակի մասնաշենք չներկայանալու պարճառով մեկ անգամ ապրակել է Գ.Հարոյանի դեմքին, սպա այլ բռնություն է գործադրել նրա նկարմամբ՝ համազգեստից բռնելով քաշել և զցել է աշխատասենյակում առկա բազմոցին, սպա նույն պարճառով կրկին ծեծի է ենթարկել նրան՝ երեքից չորս անգամ ապրակներ է հասցրել Գ.Հարոյանի դեմքին:

Այսինքն Լուկաշ Սամվելի Պետրոսյանին մեղսագրվում է ՀՀ քրեական օրենսգրքի 358.1-րդ հոդվածի 2-րդ մասով նախատեսված հանցավոր արարքի կատարում:

Բացի այդ, Լուկաշ Պետրոսյանը, զբաղեցնելով 13-րդ հրաձգային վաշտի հրամանատարի պաշտոնը, կոչումով կապիտան, 08.09.2018թ.՝ ժամը 22:30-ի սահմաններում, իր աշխատասենյակում, ծառայողական պարտականությունները կատարելու կապակցությամբ՝ սպային՝ Դ.Կարապետյանին նույն օրը հակաճառելու և նրան հարվածելու պարճառով, ծնողին ուղղված սեռական բնույթի հայհոյանք է հնչեցրել Գ.Հարոյանի հասցեին՝ անպարկեշտ ձևով ստորագնելով իր նկարմամբ ստորադաս հանդիսացող Գևորգ Հարոյանի պարիվն ու արժանապարվությունը:

Այսինքն Լուկաշ Սամվելի Պետրոսյանին մեղսագրվում է ՀՀ քրեական օրենսգրքի 360-րդ հոդվածի 2-րդ մասով նախատեսված հանցավոր արարքի կատարում:

Բացի այդ, Լուկաշ Պետրոսյանը, զբաղեցնելով 13-րդ հրաձգային վաշտի հրամանատարի պաշտոնը, կոչումով կապիտան, հանդիսանալով պաշտոնատար անձ, զինվորական կանոնադրությունների համաձայն օժտված լինելով վերահսկիչ ու կարգադրիչ լիազորություններով, 30.09.2018թ.՝ ժամը 21:00-ի սահմաններում, նույն վաշտի 3-րդ դասակի 2-րդ ջոկի հրամանատար, պարտադիր ժամկետային

զինձառայող, կրտսեր սերժանտ Մկրտիչ Երեմի Չախախյանից տեղեկանալով 29.09.2018թ.՝ ժամը 12:30-ի սահմաններում, վաշտի ննջասենյակում վերջինիս ու նույն դասակի պարտադիր ժամկետային զինձառայող, շարքային Գևորգ Սուրենի Հարոյանի միջև տեղի ունեցած վիճարանության ընթացքում Մ.Չախախյանի կողմից Գ.Հարոյանի ծնողի հասցեին հայտոյանք հնչեցնելու, միմյանց քաշքշելու և փոխադարձ հարվածներ հասցնելու դեպքի մասին՝ այդպիսով անձամբ տեղեկություններ սրանալով իրեն ենթակա անձնակազմի կողմից ենթադրյալ հանցագործություններ կատարելու դեպքի մասին, ՀՀ ՋՈՒ կարգապահական կանոնագրքի 4-րդ հոդվածի 3-րդ մասի 3-րդ կետի և ՀՀ ՊՆ 25.12.2015թ. թիվ 1525 հրամանի համաձայն պարտավոր լինելով կատարված դեպքի մասին անհապաղ զեկուցել վերադաս հրամանատարությանը, ինչպես նաև հայրնել իրավապահ մարմիններին, հակառակ ծառայության շահերի, ենթակա զինձառայողների մուր իր «հեղինակությունը» բարձրացնելու, դեպքը վերադաս հրամանատարությունից կոծկելու և այդ կերպ Մ.Չախախյանին «հովանավորելու» անձնական այլ շահագրգռվածությունից ելնելով, խախտելով ՀՀ ՋՈՒ ներքին ծառայության կանոնագրքի 13-րդ, 16-րդ, 141-րդ հոդվածների պահանջները, դրսևորել է իշխանության անգործություն՝ չի կատարել օրենքով և զինվորական կանոնադրություններով իր վրա դրված պարտականությունները, իրավախախտման դեպքի մասին չի զեկուցել վերադաս հրամանատարությանը, ինչի արդյունքում չի կատարվել ՀՀ ՊՆ 1525 հրամանի պահանջները՝ դեպքի մասին իրավապահ մարմիններին հաղորդում չի տրվել և ենթադրյալ իրավախախտման դեպքի կապակցությամբ չեն սկսվել հանցագործությունների ժամանակին բացահայտմանն ու հետազայում դրանց բացասական ազդեցության կանխարգելմանն ուղղված քրեադատարարական իրավահարաբերություններ, ավելին՝ վերջինս, շարունակելով իր հակաօրինական գործունեությունը, չարաշահել է իր պաշտոնեական դիրքը, մասնավորապես՝ 30.09.2018թ. ժամը 23:30-ի սահմաններում, իր աշխատասենյակում, նշված վիճարանության և Մ.Չախախյանի կողմից Գ.Հարոյանի ծնողի հասցեին հայտոյանք հնչեցնելու մասին վերջինիս կողմից հեռախոսով եղբորը տեղեկացնելու վերաբերյալ Գ.Հարոյանի հետ պարզաբանումներ կատարելու ընթացքում, նախատել և զինվորական ծառայության

պարտականությունները կատարելու կապակցությամբ՝ առանց իրեն՝ որպես վաշտի հրամանատարի, դեպքի մասին զեկուցելու ու եղբորը տեղեկացնելու՝ այդպիսով վաշտի «ներքին խոհանոցը դուրս հանելու» և իրեն անտեսելու պատճառով, ծնողին ուղղված սեռական բնույթի հայտոյանք է հնչեցրել իր նկատմամբ ստորադաս հանդիսացող Գ.Հարոյանի հասցեին՝ անպարկեշտ ձևով ստորացնելով նրա պարիվն ու արժանապատվությունը, ինչի արդյունքում անզգուշությամբ առաջացել են նյութական ծանր հետևանքներ՝ 01.10.2018թ. ժամը 10:50-ի սահմաններում, Գ.Հարոյանը, Լուկաշ Պետրոսյանի, ինչպես նաև Մկրտիչ Չախալյանի գործողությունների հետևանքով գրնվելով խիստ ընկճված վիճակում, վաշտի զինանոցում համաժառանգ, շարքային Գոռ Հովսեփի Յոցիկյանին ամրակցված ԱԿ-74 տեսակի 1328223 համարի ինքնաձիգից մեկ կրակոց է արձակել իր կրծքավանդակի ձախակողմյան հարվածում և տեղափոխվել Մարտունու զինհոսպիտալ, որտեղ նույն օրը՝ ժամը 15:05-ին, գրանցվել է նրա կենսաբանական մահը:

Այսինքն Լուկաշ Սամվելի Պետրոսյանին մեղսագրվում է ՀՀ քրեական օրենսգրքի 375-րդ հոդվածի 2-րդ մասով նախատեսված հանցավոր արարքի կատարում (...):¹:

6. Հակակոռուպցիոն դատարանը 2024 թվականի մարտի 11-ի որոշմամբ արձանագրել է հետևյալը. «(...) 2003 թվականի ապրիլի 1-ին ընդունված և 01.07.2022թ. ուժը կորցրած ՀՀ քրեական օրենսգրքի N 6 հավելվածի համաձայն՝ «Հոդված 375. Իշխանությունը չարաշահելը, իշխանազանցությունը կամ իշխանության անգործությունը» ներառվել են կոռուպցիոն հանցանքների ցանկում:

2021 թվականի մայիսի 5-ին ընդունված ու 01.07.2022թ. ուժի մեջ մտած ՀՀ քրեական օրենսգրքի N 1 հավելվածի համաձայն՝ «Հոդված 549. Իշխանազանցությունը կամ իշխանությունը չարաշահելը» ներառվել է կոռուպցիոն հանցանքների ցանկում:

2024 թվականի հունվարի 16-ին ընդունված և 2024 թվականի փետրվարի 6-ին ուժի մեջ մտած «ՀՀ քրեական օրենսգրքում լրացումներ և փոփոխություններ

¹ Տե՛ս քրեական վարույթ, հատոր 12, թերթեր 121-123:

կարարելու մասին» ՀՕ-31-Ն օրենքի համաձայն՝ «Հոդված 7. Օրենսգրքի հավելված N 1-ում՝ «Հոդված 549. Իշխանագանությունը կամ իշխանությունը չարաշահելը» բառերից հետո լրացնել «(բացառությամբ երբ արարքը կարարվել է ոչ շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով)» բառերով (...):»:

(...)

[ՀՀ քրեական օրենսգրքի 375-րդ հոդվածի](...) օբյեկտը օրենքով և այլ նորմատիվ ակտերով սահմանված զինվորական պետերի, պաշտոնատար անձանց և այլ զինծառայողների միջև առաջացող հարաբերություններն են, որոնք կապված են զինվորական ծառայության հետ, իսկ օբյեկտիվ կողմը կարող է դրսևորվել մի շարք արարքների կատարմամբ, մասնավորապես՝ հանցագործությունն օբյեկտիվ կողմից դրսևորվում է հետևյալ արարքների կատարմամբ՝ 1) իշխանությունը կամ պաշտոնական դիրքը չարաշահելը, 2) իշխանագանությունը կամ պաշտոնական լիազորությունների սահմանն անցնելը, 3) իշխանության անգործությունը, իսկ իշխանության անգործությունը դրսևորվում է նրանում, որ պետը կամ պաշտոնատար անձինք չեն կատարում իրենց վրա օրենքով կամ այլ իրավական ակտերով դրված պարտականությունները, չեն խոչընդոտում զորամասում զանազան խախտումներ կատարող անձանց, չեն ձեռնարկում ծառայության բնականոն ընթացքն ապահովելուն ուղղված անհրաժեշտ միջոցառումներ, այսինքն՝ հոդվածում նկարագրված են երեք ինքնուրույն հանցակազմեր, որոնցից իշխանության անգործությունը չունի բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով դրսևորումը, իսկ այն առավել բնորոշ է իշխանությունը չարաշահելուն կամ իշխանագանությունը, ուստի «բռնություն գործադրելով» պայմանի առկայությունը տվյալ արարքի կատարման դրսևորումը գնահատելիս անհրաժեշտ է, միաժամանակ, «Նորմատիվ իրավական ակտերի մասին» ՀՀ օրենքի 16-րդ հոդվածի 5-րդ կետի համաձայն՝ «Եթե նորմատիվ իրավական ակտում նշված նորմի կիրառումը պայմանավորված է ստորակետերով կամ «և» կամ «ու», ինչպես նաև «կամ» շաղկապով բաժանված պայմաններով, ապա ստորակետերով կամ «և» կամ «ու» շաղկապներով բաժանված պայմանների մասով

այդ նորմի կիրառման համար անհրաժեշտ է բոլոր պայմանների առկայությունը (...», բայց խոսք չի գնում բոլոր պայմանների միաժամանակյա առկայության մասին, որն էական նշանակություն ունեցող հանգամանք է սույն ընդդարձության վերաբերյալ հարցը լուծելու համար:

(...)

5.3 ՀՀ քրեական օրենսգրքում (այսուհետք նաև՝ Քրեական նոր օրենսգիրք) տեղ գրած նորամուծությունների, հայեցակարգային փոփոխությունների ու նոր կարգավորումների պայմաններում տեղին է զուգահեռներ անցկացնել Քրեական նոր օրենսգրքի 549-րդ հոդվածով սահմանված վարքագծի համապատասխան կանոնների ու 18.04.2003թ. ընդունված ՀՀ քրեական օրենսգրքի 375-րդ հոդվածով սահմանված վարքագծի կանոնների միջև, որի արդյունքում անհրաժեշտ է փաստել հետևյալը.

Մեջբերված քրեաիրավական դրույթների համադրված վերլուծությունից երևում է, ՀՀ քրեական օրենսգրքի 375-րդ հոդվածի դիսպոզիցիայում շարադրված արարքների հանցավորությունը կամ պարժելիությունը չի վերացել քրեական օրենսգրքով, որն ուժի մեջ է մտել հիշյալ հոդվածով սահմանված արարքը կատարելուց հետո, քանի որ այդպիսիք վերափոխվել են Քրեական նոր օրենսգրքում տեղ գրած 549-րդ հոդվածի դիսպոզիցիայում սահմանված վարքագծի կանոններով:

Սույն քրեական գործի ընդդարձության վերաբերյալ հարցի լուծման ելակետն է այն հանգամանքը, որ Լուկաշ Պետրոսյանին մեղադրանք է առաջադրվել ՀՀ քրեական օրենսգրքի 375-րդ հոդվածի 2-րդ մասով, որպիսի պայմաններում անհրաժեշտ է առանձին փաստել արդյո՞ք արարքը կատարվել է ոչ շահադիտական դրդումներից ելնելով, թե բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով:

5.4. Սույն գործի նյութերի ուսումնասիրությունից երևում է, որ՝

- Լուկաշ Պետրոսյանին առաջադրված մեղադրանքի ձևակերպման մեջ նշվել է ենթադրյալ արարքների քրեաիրավական որակման հիմքում ընկած փաստերը, մասնավորապես՝ «08.09.2018թ. զինվորական ծառայության պարտականությունները կատարելու կապակցությամբ ծեծի է ենթարկել իր նկատմամբ ստորադաս հանդիսացող, իր անմիջական ղեկավարության ներքո

գրնվող վաշտի ժամկետային պարտադիր զինձառայող, շարքային Գևորգ Սուրենի Հարոյանին, (...) վիճաբանության ձայներ լսելով դուրս է եկել աշխատասենյակից և զորանոցի ննջարանների մոտ ականապետ է եղել Գ.Կարապետյանի և Գ.Հարոյանի միջև առաջացած ծեծկոտորին, միջամրել և դադարեցրել է վիճաբանությունը, որից հետո փորձել է կարգի հրավիրել Գ.Հարոյանին և նույն վայրում ծեծի է ենթարկել նրան՝ երեքից չորս անգամ աջ և ձախ ձեռքերով սպրակներ է հասցրել վերջինիս դեմքին, սպա Գ.Հարոյանին հրավիրել է աշխատասենյակ և զինվորական ծառայության պարտականությունները կատարելու կապակցությամբ՝ սպային՝ Գ.Կարապետյանին հակաձուռելու և նրան հարվածելու, ինչպես նաև վերակարգից ազարվելուց հետո փրկական ժամանակ գումարարակի մասնաշենք չներկայանալու պարճառով մեկ անգամ սպրակել է Գ.Հարոյանի դեմքին, սպա այլ բռնություն է գործադրել նրա նկարմամբ՝ համազգեստից բռնելով քաշել և գցել է աշխատասենյակում առկա բազմոցին, սպա նույն պարճառով կրկին ծեծի է ենթարկել նրան՝ երեքից չորս անգամ սպրակներ է հասցրել Գ.Հարոյանի դեմքին»:

(...): Բացի այդ, Լուկաշ Պետրոսյանը, (...) 30.09.2018թ.՝ ժամը 21:00-ի սահմաններում, նույն վաշտի 3-րդ դասակի 2-րդ ջոկի հրամանատար, պարտադիր ժամկետային զինձառայող, կրտսեր սերժանտ Մկրտիչ Երեմի Չախախյանից տեղեկանալով 29.09.2018թ.՝ ժամը 12:30-ի սահմաններում, վաշտի ննջասենյակում վերջինիս ու նույն դասակի պարտադիր ժամկետային զինձառայող, շարքային Գևորգ Սուրենի Հարոյանի միջև տեղի ունեցած վիճաբանության ընթացքում Մ.Չախախյանի կողմից Գ.Հարոյանի ծոցի հասցեին հայտնաբերված ինչպես քաշքշելու և փոխադարձ հարվածներ հասցնելու դեպքի մասին՝ այդպիսով անձամբ տեղեկություններ սրանալով իրեն ենթակա անձնակազմի կողմից ենթադրյալ հանցագործություններ կատարելու դեպքի մասին, (...) պարտավոր լինելով կատարված դեպքի մասին անհապաղ զեկուցել վերադաս հրամանատարությանը, ինչպես նաև հայտնել իրավաստի մարմիններին, հակառակ ծառայության շահերի, ենթակա զինձառայողների մոտ իր «հեղինակությունը» բարձրացնելու, դեպքը վերադաս հրամանատարությունից կոծկելու և այդ կերպ Մ.Չախախյանին «հովանավորելու» անձնական այլ շահագրգռվածությունից ելնելով, (...) դրսևորել է իշխանության անգործություն՝ չի կատարել օրենքով և զինվորական

կանոնադրություններով իր վրա դրված պարտականությունները, իրավահասարակական դեպքի մասին չի զեկուցել վերադաս հրամանատարությանը, (...)»:

Հարկանշական է, որ Քրեական նոր օրենսգրքի հավելված N1 համաձայն՝ «Իշխանագանությունը կամ իշխանությունը չարաշահելը (բացառությամբ երբ արարքը կատարվել է ոչ շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով)», այսինքն՝ հարկ է փաստել, որ ենթադրյալ արարքը Քրեական նոր օրենսգրքի հավելված N1 ցանկով սահմանված կոռուպցիոն հանցագործությունների շարքին դասելու համար անհրաժեշտ է, որ այն կատարվի շահադիպական դրդումներից ելնելով, որը դրսևորվում է պաշտոնատար անձի կողմից հանցանքը նյութական օգուտ սրանալու կամ ծախսերից կամ պարտավորություններից խուսափելու համար կատարելով, իսկ Լուկաշ Պետրոսյանին առաջադրված մեղադրանքներում բացակայում է այն փաստական տվյալը, որ ամբաստանյալն արարքը կատարել է շահադիպական դրդումով, սակայն առկա է այն ձևակերպումը, որ ենթադրյալ արարքը (իշխանության անգործություն) կատարվել է անձնական այլ շահագրգռվածությունից ելնելով, ինչպես նաև՝ բռնություն գործադրելով:

6. Վերոգրյալ իրավական նորմերի համակարգային վերլուծության արդյունքում, հաշվի առնելով նաև այն հանգամանքը, որ արդարադատությունը՝ որպես դատական իշխանության դրսևորման հիմնական ձև, պետք է իրականացվի որոշակի սահմաններում, որի չափանիշներից մեկն էլ քրեական գործի ընդդատության ինստիտուտն է, որը սահմանում է, թե որ դատարանն է իրավասու քննել գործը, որպեսզի երաշխավորվեն անձի՝ դատարանի մարչելիության ու արդար դատաքննության իրավունքները, բացառելով քրեական գործը քննելու պարզաճ դատարանի որոշման վերաբերյալ վեճերը, որպիսի պայմաններում Դատարանը հաշվի առնելով քրեական գործով քննության առարկան հանդիսացող հանցագործության բնույթը և մինչդարակա վարույթում ամբաստանյալին մեղաագրված արարքի քրեաիրավական որակումները, այն է՝ Լուկաշ Պետրոսյանին առաջադրված մեղադրանքի համաձայն՝ ենթադրյալ արարքը կատարվել է ոչ շահադիպական դրդումներից ելնելով ու բռնություն գործադրելով, ուստի Դատարանը գտնում է, որ թիվ ՀԿԴ/0114/01/22 քրեական գործն այլևս ընդդատյա չէ

Հակակոռուպցիոն դատարանին, այլ ընդդարյա է Սյունիքի մարզի առաջին արյանի ընդհանուր իրավասության քրեական դատարանին, ուստի անհրաժեշտ է ՀԿԳ/0114/01/22 քրեական գործը փոխանցել ըստ ընդդարյության (...)»²:

7. Սյունիքի մարզի առաջին ատյանի ընդհանուր իրավասության դատարանը 2024 թվականի օգոստոսի 10-ի որոշմամբ արձանագրել է հետևյալը. «(...) Թիվ ՀԿԳ/0114/01/22 քրեական գործով Հակակոռուպցիոն դատարանը 2024 թվականի մարտի 11-ի որոշմամբ արձանագրել է, որ Լուկազ Պետրոսյանին 2003 թվականի ապրիլի 18-ի խմբագրությամբ ՀՀ քրեական օրենսգրքի 375-րդ հոդվածի 2-րդ մասով ներկայացված մեղադրանքն իր մեջ չի ներառում շահադիրական դրդումները, ավելին՝ արարքը կատարվել է բռնություն գործադրելու միջոցով:

Այս տեսանկյունից՝ Դատարանը, չհամաձայնելով վերոնշյալ դիրքորոշման հետ, հարկ է համարում արձանագրել, որ

- Լուկազ Պետրոսյանի կողմից Գևորգ Հարոյանի նկատմամբ ենթադրաբար բռնություն գործադրելու դեպքի կապակցությամբ վերջինիս ներկայացվել է 2003 թվականի ապրիլի 18-ի խմբագրությամբ ՀՀ քրեական օրենսգրքի 358.1-ին հոդվածի 2-րդ մասով մեղադրանք, ավելին՝ քննարկվող դեպքը ժամանակագրական հաջորդականության տեսանկյունից նախորդել է մեղադրյալ Լուկազ Պետրոսյանի կողմից ենթադրաբար իշխանական անգործություն ցուցաբերելու և իր պաշտոնական դիրքը չարաշահելու ենթադրյալ արարքներին, քանի որ ենթադրաբար կատարվել է 2018 թվականի սեպտեմբերի 8-ին, մինչդեռ լիազորությունների չարաշահման ենթադրյալ դրսևորումները ենթադրաբար կատարվել են նույն թվականի սեպտեմբերի 30-ին:

- Լուկազ Պետրոսյանին 2003 թվականի ապրիլի 18-ի խմբագրությամբ ՀՀ քրեական օրենսգրքի 375-րդ հոդվածի 2-րդ մասով ներկայացված մեղադրանքի ձևակերպումից պարզ է դառնում, որ անզգուշությամբ այլ ծանր հետևանքներ առաջացնելու պարճառը չի հանդիսացել 2018 թվականի սեպտեմբերի 8-ին ենթադրաբար բռնություն գործադրելու դեպքը, քանի որ ըստ մեղադրանքի՝ այդ հետևանքներն առաջացել են Լուկազ Պետրոսյանի կողմից ենթադրաբար Գևորգ

² Տե՛ս քրեական վարույթ, հատոր 17, թերթեր 159-165:

Հարոյանի հասցեին հայհոյանքներ հնչեցնելու և Մկրտիչ Չախախյանի կողմից ենթադրաբար վերջինիս նկատմամբ բռնություն գործադրելու հետևանքով:

- Լուկաշ Պետրոսյանի կողմից լիազորությունները չարաշահելու ենթադրյալ արարքը, թեև կատարվել է անձնական այլ շահագրգռվածությունից ելնելով, սակայն չի զուգորդվել բռնություն գործադրելով, բռնություն գործադրելու սպառնալիքով կամ զենք կամ հարուկ միջոց օգտագործելով:

Այսպիսով, հիմք ընդունելով Վճռաբեկ դատարանի որոշումներում շարադրված վերլուծություններն ու դատողությունները, Դատարանն արձանագրում է, որ սույն քրեական գործն ընդդատյա չէ Սյունիքի մարզի առաջին ատյանի ընդհանուր իրավասության դատարանին, հետևաբար նաև հաշվի առնելով, որ սույն քրեական վարույթն ըստ ընդդատյան Հակակոռուպցիոն դատարանից ուղարկվել է Դատարան, որպիսի պայմաններում կրկին քրեական վարույթի փոխանցումը Հակակոռուպցիոն դատարան հղի է քրեական վարույթի առարկայական ընդդատյան վերաբերյալ վեճի կապակցությամբ կրկնակի շրջապարույր արեղծելու վրանգով, ուստի, Դատարանի գնահատմամբ, արեղծված իրավիճակի հանգուցալուծումը կարող է տեղի ունենալ միայն վարույթի առարկայական ընդդատյանը Վճռաբեկ դատարանի կողմից լուծելով (...)³:

Սույն որոշման հիմնավորումները և եզրահանգումը.

Նախևառաջ հարկ է նշել, որ համաձայն ՀՀ քրեական դատավարության օրենսգրքի 263-րդ հոդվածի 5-րդ մասի՝ վարույթն ըստ ընդդատյան ստացած հակակոռուպցիոն կամ առաջին ատյանի ընդհանուր իրավասության դատարանը **մինչև նախնական դատալսումներ նշանակելը եռօրյա ժամկետում** որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդատյանը: Մինչդեռ, Վճռաբեկ դատարանն արձանագրում է, որ սույն դեպքում Սյունիքի մարզի առաջին ատյանի ընդհանուր իրավասության դատարանը որոշում է կայացրել թիվ ՍԴ3/0138/01/21 (ՀԿԴ/0114/01/22) քրեական գործով ընդդատյան մասին վեճը լուծելու համար վարույթը Վճռաբեկ դատարան

³ Տե՛ս քրեական վարույթ, հատոր 18, թերթեր 103-111:

ուղարկելու մասին վերոնշյալ ժամկետի խախտմամբ: Վճարել դատարանը, սակայն, հիմք ընդունելով անձի՝ օրենքի հիման վրա ստեղծված դատարանի կողմից իր գործի քննության իրավունքի հիմնարար նշանակությունը և դրա՝ արդար դատաքննության իրավունքի բաղկացուցիչ մասը հանդիսանալը, գտնում է, որ սույն վարույթի ընդդատության հարցը ենթակա է լուծման:

8. Սույն վարույթով բարձրացված իրավական հարցը հետևյալն է. հիմնավոր՞ է արդյոք Սյունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՄԴ3/0138/01/21 (ՀԿԴ/0114/01/22) քրեական վարույթն ընդդատյա է Հակակոռուպցիոն դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ *«Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:*

10. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ *«Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա ստեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:*

10.1. Մարդու իրավունքների եվրոպական դատարանը, *«օրենքի հիման վրա ստեղծված դատարան»* հասկացությունը մեկնաբանելիս նշել է. *«Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիսան ազգային օրենսդրությունը մեկնաբանելու որոշակի ազատությամբ»⁴:*

Միևնույն ժամանակ, դատարանի մատչելիության իրավունքի համատեքստում Մարդու իրավունքների եվրոպական դատարանը նշել է, որ. *«Ներպետական դատական արյանները դատավարական կանոնները կիրառելիս պետք է ձեռնպահ*

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) *Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա արեղծված դատարան սպահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմարիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)*

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդդատության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁶:

12. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

13. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ *«Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդատյա են առաջին արյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդատյա են հակակոռուպցիոն դատարանին»:*

ՀՀ քրեական դատավարության օրենսգրքի 263-րդ հոդվածի համաձայն՝ *«1. Նախնական դատալսումների ընթացքում պարզելով, որ տվյալ վարույթն ընդդատյա չէ իրեն, դատարանն այն որոշմամբ անհապաղ փոխանցում է ըստ ընդդատության»:*

(...)

5. Վարույթն ըստ ընդդատության սրացած հակակոռուպցիոն կամ առաջին արյանի ընդհանուր իրավասության դատարանը մինչև նախնական դատալսումներ նշանակելը ետօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն չէ դրա առարկայական ընդդատությանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից փասնօրյա ժամկետում վերջնականապես լուծում են վարույթի առարկայական ընդդատության հարցը՝ ընդհանուր թվի ձայների մեծամասնությամբ ընդունված որոշմամբ: Քվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

13.1. «ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի համաձայն՝ «Օրենսգրքի հավելված N 1-ում (...)

«Հոդված 549. Իշխանագանությունը կամ իշխանությունը չարաշահելը» բառերից հետո լրացնել «(բացառությամբ երբ արարքը կատարվել է ոչ շահադիտական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով)» բառերով»:

13.2. «Նորմատիվ իրավական ակտերի մասին» ՀՀ օրենքի 16-րդ հոդվածի համաձայն՝ «1. Նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, եթե իրավական ակտում

1) նշված նորմի կիրառումը պայմանավորված է միայն «և» կամ «ու» շաղկապով բաժանված պայմաններով, կամ

2) նշված նորմի կիրառումը պայմանավորված է միայն ստորակետերով բաժանված պայմաններով, կամ

3) նշված նորմի կիրառումը պայմանավորված է ստորակետերով և «և» կամ «ու» շաղկապով բաժանված պայմաններով:

(...)

4. Եթե նորմատիվ իրավական ակտում թվարկված բոլոր պայմաններից բավական է միայն մեկի առկայությունը, ապա չի կարող կիրառվել «և» կամ «ու» շաղկապը, կամ դրանք չեն կարող բաժանվել ստորակետով կամ կետադրական այլ նշանով»:

13.3. Նշված նորմերի համակարգային վերլուծությունից հետևում է, որ ՀՀ քրեական օրենսգրքի 549-րդ հոդվածը (համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 375-րդ հոդվածին) չի համարվում կոռուպցիոն բնույթի հանցանք՝ հետևյալ պայմանների միաժամանակյա առկայության պարագայում, երբ արարքը կատարվել է՝ ա) ոչ շահադիտական դրդումներից ելնելով, բ) բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով: Հետևաբար, նշված պայմաններից որևէ մեկի բացակայության դեպքում, հանցանքը համարվում է կոռուպցիոն բնույթի և ենթակա չէ փոխանցման առաջին ատյանի ընդհանուր իրավասության դատարանին:

14. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը, փաստելով, որ Լուկաշ Պետրոսյանին առաջադրված մեղադրանքի համաձայն՝ վերջինս ենթադրյալ արարքը կատարել է անձնական այլ շահագրգռվածությունից ելնելով և բռնություն գործադրելով, գտել է, որ թիվ ՀԿԴ/0114/01/22 քրեական վարույթն այլևս ընդդատյա չէ Հակակոռուպցիոն դատարանին⁷:

- Սյունիքի մարզի առաջին ատյանի ընդհանուր իրավասության դատարանն իր անհամաձայնությունն է հայտնել Հակակոռուպցիոն դատարանի որոշմանը՝ արձանագրելով, որ Լուկաշ Պետրոսյանի կողմից լիազորությունները չարաշահելու ենթադրյալ արարքը թեև կատարվել է անձնական այլ շահագրգռվածությունից ելնելով, սակայն չի զուգորդվել *«բռնություն գործադրելով, բռնություն գործադրելու սպառնալիքով կամ զենք կամ հայրուկ միջոց օգտագործելով»*⁸:

15. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ Լուկաշ Պետրոսյանին առաջադրված մեղադրանքի բովանդակությունից հետևում է, որ Գ.Հարոյանը, Լ.Պետրոսյանի, ինչպես նաև Մ.Չախախյանի ենթադրյալ **գործողությունների հետևանքով**, գտնվելով խիստ ընկճված վիճակում, ինքնաձիգից մեկ կրակոց է

⁷ Տե՛ս սույն որոշման 5-րդ կետը:

⁸ Տե՛ս սույն որոշման 7-րդ կետը:

արձակել իր կրծքավանդակի հատվածում, ինչը հանգեցրել է վերջինիս մահվան: Մեղադրական եզրակացության ուսումնասիրությունից երևում է, որ Լ.Պետրոսյանի, ինչպես նաև Մ.Չախախյանի գործողությունները ներառում են նաև 2018 թվականի սեպտեմբերի 8-ին և սեպտեմբերի 29-ին տեղի ունեցած ենթադրյալ բռնություն գործադրելու դեպքերը: Բացի այդ, հարկ է փաստել, որ ըստ մեղադրանքի՝ Լ.Պետրոսյանը վերագրվող ենթադրյալ արարքը կատարել է անձնական այլ շահագրգռվածությունից ելնելով:

Այլ կերպ՝ Լ.Պետրոսյանին ՀՀ քրեական օրենսգրքի 358.1-ին հոդվածի 2-րդ մասով, 360-րդ հոդվածի 2-րդ մասով և 375-րդ հոդվածի 2-րդ մասով առաջադրված մեղադրանքի բովանդակությունն առերևույթ հիմք է տալիս փաստելու, որ ենթադրյալ արարքը կատարվել է՝ ոչ շահադիտական դրդումներից ելնելով և բռնություն գործադրելով: Հետևաբար, գտնում ենք, որ առկա է սույն վարույթը Սյունիքի մարզի առաջին ատյանի ընդհանուր իրավասության դատարանին ընդդատյա լինելու իրավական հիմքը:

16. Վերոշարադրյալը հիմք է տալիս փաստելու, որ Սյունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՍԴ3/0138/01/21 (ՀԿԴ/0114/01/22) քրեական վարույթն ընդդատյա է Հակակոռուպցիոն դատարանին, հիմնավոր չէ:

17. Վերոգրյալի հիման վրա գտնում ենք, որ թիվ ՍԴ3/0138/01/21 (ՀԿԴ/0114/01/22) քրեական վարույթն ընդդատյա է Սյունիքի մարզի առաջին ատյանի ընդհանուր իրավասության դատարանին:

Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

Ո Ր Ո Շ Ե Ց Ի Ն Ք

Մկրտիչ Երեմի Չախախյանի վերաբերյալ՝ 2003 թվականի ապրիլի 18-ին ընդունված ՀՀ քրեական օրենսգրքի 358.1-րդ հոդվածի 1-ին մասով, 358.1-րդ հոդվածի 4-րդ մասով և Լուկաշ Սամվելի Պետրոսյանի վերաբերյալ՝ ՀՀ քրեական օրենսգրքի 358.1-րդ հոդվածի 2-րդ մասով, 360-րդ հոդվածի 2-րդ մասով, 375-րդ հոդվածի 2-րդ

մասով թիվ ՍԴ3/0138/01/21 (ՀԿԴ/0114/01/22) քրեական վարույթն ընդդատյա է Սյունիքի մարզի առաջին ատյանի ընդհանուր իրավասության դատարանին:

ՀՀ ՎՃՌԱԲԵԿ ԴԱՏԱՐԱՆԻ
ՆԱԽԱԳԱՀ
ԼԻԼԻԹ ԹԱԴԵՎՈՍՅԱՆ

ՀՀ ՎՃՌԱԲԵԿ
ԴԱՏԱՐԱՆԻ ՔՐԵԱԿԱՆ
ՊԱԼԱՏԻ ՆԱԽԱԳԱՀ
ՀԱՄԼԵՏ ԱՍԱՏՐՅԱՆ

ՀՀ ՎՃՌԱԲԵԿ ԴԱՏԱՐԱՆԻ
ՀԱԿԱԿՈՌՈՒՊՑԻՈՆ ՊԱԼԱՏԻ
ՆԱԽԱԳԱՀ
ԱՐԹՈՒՐ ԴԱՎԹՅԱՆ